

**BOSNA I HERCEGOVINA
FEDERACIJA BOSNE I HERCEGOVINE**

**ODBOR ZA JAVNI NADZOR
REVIZORSKE KOMORE, DRUŠTAVA ZA REVIZIJU I OVLAŠTENIH REVIZORA
U FEDERACIJI BOSNE I HERCEGOVINE**

IZVJEŠTAJ O RADU

2017. GODINA

Broj: 01-02-15/18

Sarajevo, 27.03.2018. godine

Izvještaj o radu Odbora za javni nadzor sadrži sljedeće dijelove:

1. Uvod

2. Pravni položaj, organizacija i zadaci

3. Aktivnosti Odbora u 2017. godini

- Prilog:

- Program rada Odbora za 2018. godinu

- Pregled dnevnog reda održanih sjednica Odbora tokom 2017. godine.

1. UVOD

Najznačajnije aktivnosti Odbora za javni nadzor u 2017. godini su:

- razmatranje akata Revizorske komore Federacije BiH i to: Odluke o izmjenama i dopunama Pravilnika o nadzoru i provjeri kvaliteta rada društava za reviziju i ovlaštenih revizora, donesene na Skupštini Revizorske komore Federacije BiH 06.04.2017. godine i Nacrta Pravilnika o nadzoru i provjeri kvalitete rada društava za reviziju i ovlaštenih revizora, dostavljenog od strane Komore;

- razmatranje Programa edukacija koje sprovodi Komora (sa pratećim materijalima), a u vezi sa realizacijom aktivnosti Odbora iz tačke 3. Programa rada Odbora za 2017. godinu (Praćenje donošenja i realizacije godišnjeg programa edukacije u organizaciji Komore);

- unaprijeđena je komunikacija sa Upravnim vijećem Komore i održano je više sastanaka na kojim su članovi Odbora dali su određene preporuke predstavnicima Komore i iznijeli stajlišta po pitanju daljih aktivnosti na prevazilaženju problema vezano za kadrovsko popunjavanje Komisije za nadzor i provjeru kvaliteta rada revizorskih društava i ovlaštenih revizora, kao tijela Komore koje obavlja najznačajniju funkciju Komore u skladu sa obavezama koje su utvrđene Zakonom i nastavka aktivnosti na provođenju direktnih nadzora.

- g-đa. Safija Žilić je, ispred Odbora, prisustvovala radionici Svjetske banke održane 9. i 10. oktobra u Beogradu te je o istom članovima Odbora prezentovan Izvještaj sa radionice. U izvještaju sa pomenute radionice je, između ostalog, navedeno da je opšti cilj ovakvih nacionalnih radionice pružiti tehničku stručnu pomoć vezano za proces provođenja obaveze javnog nadzora i kontrole kvaliteta eksterne revizije koji je zakonska obaveza.

2. PRAVNI POLOŽAJ, ORGANIZACIJA I ZADACI

Odredbama člana 66. Zakona o računovodstvu i reviziji u Federaciji Bosne i Hercegovine („Službene novine Federacije BiH“, broj: 83/09 - u daljem tekstu: Zakon) propisano je da javni nadzor nad Revizorskom komorom FBiH, društvima za reviziju i ovlaštenim revizorima provodi Odbor za javni nadzor.

Prema Zakonu, Odbor ima pet članova koje na prijedlog Federalnog ministra finansija (dalje: Ministar), imenuje i razrješava Vlada Federacije BiH. Odbor donosi odluke konsenzusom. Članovi Odbora moraju biti eksperti iz oblasti revizije koji posjeduju znanje iz tog područja i koji nisu profesionalno angažovani u provođenju revizije.

Vlada Federacije BiH je, na prijedlog Ministra, Rješenjem: V broj: 1168/2013. od 23. 10.2013. godine, koje je objavljeno u Službenim novinama, imenovala Odbor za javni nadzor u sastavu: Haris Jahić, Nedžad Tuće, Željko Šain, Safija Žilić i Željko Bošnjak.

Sredstva za finansiranje aktivnosti Odbora obezbjeđuju se u Budžetu Federacije Bosne i Hercegovine. Sjednice Odbora održavane su u prostorijama Federalnog ministarstva finansija (dalje: Ministarstvo), koje pruža neophodnu administrativno-tehnički podršku potrebnu za nesmetan rad Odbora.

Prva, konstitutivna, sjednica Odbora za javni nadzor održana je 21.01.2014. godine. Organizacija, način rada, prava i obaveze Odbora za javni nadzor uređeni su Poslovníkom Odbora koji je donesen na osnovu Zakona i dostavljen na saglasnost Ministru Vlade Federacije BiH.

Prema Zakonu, Odbor je dužan dostaviti izvještaj o radu za proteklu godinu i izvršenju finansijskog plana, putem Ministarstva, Vladi Federacije BiH na razmatanje i prihvatanje, najkasnije do 31. marta tekuće godine.

Također, program rada i finansijski plan za narednu godinu Odbor je obavezan dostaviti Vladi Federacije BiH, najkasnije do 31. decembra tekuće godine, što je Odbor, 22.12.2016. godine i učinio.

Program rada i Izvještaj o radu Odbora, moraju, prema Zakonu, biti objavljeni na internetskim stranicama Ministarstva i Vlade Federacije BiH.

S obzirom na propisano u Zakonu i Poslovníku o radu, Odbor:

1. vrši provjeru i nadzor u skladu sa članom 66. Zakona,
2. prati provedbu propisa iz oblasti računovodstva i revizije, predlaže njihove izmjene i dopune, te sudjeluje u postupku izrade nacрта propisa putem svojih članova,
3. u svrhu provedbe ovlaštenja, po službenoj dužnosti ili na prijedlog zainteresovane strane, po pravu nadzora, može predložiti Komori da poništiti, ukine ili izmijeni akte Komore,
4. može naložiti inspekcijski nadzor revizorskih društava i i ovlaštenih revizora putem Komore, stručnih lica ili nadležnih državnih institucija.

Odbor razmatra godišnji izvještaj o radu Komore, koji je Komora dužna dostaviti Odboru u roku od 15 dana od usvajanja na Skupštini Komore i o istome daje mišljenje koje se, zajedno sa izvještajem Komore, uz posredovanje Ministarstva, dostavlja Vladi Federacije BiH.

U cilju provođenja javnog nadzora Odbor može, prema potrebi, tražiti odgovarajuće izvještaje i podatke o aktivnostima Komore.

Dalje, Odbor daje mišljenje na:

- Statut Komore,
- pravila nadzornog i kontrolnog postupka i metodologije za obavljanje provjere kvaliteta rada koje donosi Komora,
- akt o obliku i sadržaju radne dokumentacije revizora,
- program rada i razvoja Komore,
- godišnje izvještaje o radu Komore,
- odabir zaposlenika Komore, koji obavljaju ovjeru kvalitete rada revizorskih društava i ovlaštenih revizora, imenovanih od strane Upravnog vijeća Komore i
- odluku o iznosu revizorske naknade.

Ako u provedbi javnog nadzora Odbor ocijeni da postoji osnovana sumnja u nezakovitosti i nepravilnosti koje proizlaze iz provođenja javnih ovlaštenja od strane Komore:

- zatražit će izvještaje i druge podatke o uočenim mogućim nepravilnostima,
- predložit će mjere radi njihovog otklanjanja,
- pokrenut će postupak za utvrđivanje odgovornosti zaposlenika Komore,
- tražit će sazivanje Skupštine Komore ukoliko je to potrebno radi zaštite zakonitosti i dobrobiti revizorske struke,
- obavijestit će Ministarstvo i
- poduzet će druge mjere iz svoje nadležnosti.

Odbor, kontinuirano, prema propisanom, treba da prima obavijesti od Revizorske Komore vezano za nadzor rada i provjeru kvalitete rada revizorskih društava i ovlaštenih revizora, o prekršajnim postupcima i drugim preuzetim mjerama da se uklone i sankcionišu utvrđene nepravilnosti.

Odbor je, prema Zakonu, obavezan na saradnju sa nadzornim tijelima u Republici Srpskoj, Brčko Distriktu, državama članicama Evropske unije i trećim zemljama, posebno u slučajevima utvrđivanja određenih nepravilnosti u radnjama društava za reviziju i ovlaštenih revizora.

Odbor, također, daje prethodnu saglasnost Ministarstvu da, na prijedlog Komore i na osnovu iskazane potrebe u toku provedene naknadne provjere i rezultata provjere, donese akt kojim će odlučiti o brisanju iz registra društva za reviziju i/ili proglasiti, ranije izdatu licencu ili odobrenje, nevažećim.

3. AKTIVNOSTI ODBORA U 2017. GODINI

Tokom 2017. godine, Odbor je održao dvanaest sjednica (XXI-XXXII).

Sjednice Odbora održavane su u prostorijama Federalnog ministarstva finansija, uz administrativno-tehničku pomoć ovog Ministarstva.

Na Dvadesetprvoj sjednici je Odbor je u okviru tačke dnevnog reda – Aktuelnosti između sjednica Odbora – donio zaključak da se Revizorskoj komori Federacije BiH (u daljem tekstu: Komora), koja je u toku januara 2017. godine održala izbornu Skupštinu, uputi dopis kojim će se zatražiti informacija o održanoj Skupštini Komore i donesenom odlukama. Pored toga, na navedenoj sjednici Odbora razmatrani su zapisnici o izvršenom direktnom nadzoru dostavljeni od strane Komisije za nadzor i kontrolu kvaliteta rada društava za reviziju i ovlaštenih revizora te je Odbor, nakon rasprave, konstatovao da nije došlo do poboljšanja u pogledu sadržaja i forme zapisnika u odnosu na prije dostavljeni set zapisnika o kontroli i da nisu uvažene sugestije Odbora date u vezi sa istim. Nakon toga, Odbor je donio zaključak u kome je navedeno da će Odbor organizovati sastanak sa Predsjednikom Komore i predstavnicima Upravnog vijeća Komore i Komisije za nadzor, na kojem će se, između ostalog, ukazati na nezadovoljstvo u vezi sa sadržajem zapisnika o kontroli i sistemom kontrole kvaliteta rada društava za reviziju i ovlaštenih revizora. U nastavku Odbor je raspravljao o aktu koji treba biti upućen Ministarstvu, a u vezi sa problemom neadekvatne komunikacije sa Komorom te je dogovoreno da se isti, nakon što bude upućen članovima elektronskim putem na usaglašavanje, uputi Ministarstvu.

Na Dvadesetdrugoj sjednici Odbor je razmatrao Izvještaje o radu Revizorske komore Federacije BiH i Komisije za nadzor kvaliteta rada društava za reviziju i ovlaštenih revizora za 2016. godinu, S tim u vezi, dogovoreno je da će se uputiti akt Komori u kome će biti navedeno da Odbor smatra da Izvještaj Komisije za nadzor treba biti sastavni dio Izvještaja o radu Komore i zatražiće se informacija o procedurama vezanim za potpisivanje samog Izvještaja Komore. U aktu će se navesti da je rok za dostavljanje izjašnjenja Komore 20.03.2017. godine. Pored toga, na navedenoj sjednici Odbora je razmatran Nacrt Izvještaja o radu Odbora za 2016. godinu. Nakon kraće rasprave, dogovoreno da se izvrše tehničke korekcije u predloženom tekstu Izvještaja te da se na početku izvještaja istaknu najvažnije aktivnosti Odbora u 2016. godini. Pored toga, dogovoreno je da se uz dio izvještaja koji se odnosi na izvršenje finansijskog plana unese odnos između planiranih i ostvarenih prihoda Odbora za 2016. godinu. U nastavku je donesen zaključak da će se uvažiti primjedbe na Nacrt izvještaja o radu Odbora za 2016. godinu date na ovoj sjednici te će se korigovani Nacrt proslijediti svim članovima Odbora elektronskim putem kako bi se dale eventualne dalje sugestije.

Na Dvadesettećoj sjednici Odbora je usvojen Izvještaj o radu Odbora za 2016. godinu i isti je blagovremeno upućen Vladi Federacije BiH, putem Ministarstva, na razmatranje i usvajanje. Takođe je konstatovano da Odbor nije u popratnom aktu obrazlagao zapažanja u vezi sa potpisivanjem Izvještaja o radu Komore za 2016. godinu i da je ostao na stajalištu da je Izvještaj o radu Komisije za nadzor trebao biti sastavni dio izvještaja Komore, obzirom da je Komisija tijelo u sastavu Komore. Izvještaj o radu Odbora za 2017. godinu upućen je Vladi Federacije BiH, putem Ministarstva, 31.03.2017. godine. Pored navedenog, upriličen je sastanak Odbora sa predstavnicima Upravnog vijeća Revizorske komore FBiH dana 31.03.2017. godine. Sastanku su pristustvovali svi članovi Odbora. Ispred Upravnog vijeća Komore

sastanku su prisustvovali: gosp. Senad Pekmez, Predsjednik Komore i Predsjedavajući Upravnog vijeća Komore, g-đa. Zuhra Eskić, član Upravnog vijeća Komore i g-đa. Elvira Pidro, član Upravnog vijeća Komore. Na sastanku su razmjenjena iskustva i problemi u radu sa kojima se suočavaju Odbor i Komora te je dogovoreno da će se u narednom periodu uspostaviti bolji mehanizam komunikacije između Odbora i Komore, imajući u vidu činjenicu da komunikacija između Odbora i Komore nije bila na odgovarajućem nivou u prethodnom periodu.

Na Dvadesetčetvrtoj sjednici Odbora je razmatrana Odluka o izmjenama i dopunama Pravilnika o nadzoru i provjeri kvaliteta rada društava za reviziju i ovlaštenih revizora, donesenoj na Skupštini Revizorske komore FBiH 06.04.2017. godine te je, vezi s istim, upućen akt Komori u kome je biti navedeno da Odbor podržava navedene izmjene, ali i da očekuje da se nakon donošenja novog Zakona razmotre sve sugestije iz akta Odbora broj: 01-04-36/16 veza od 16.08.2016. godine, u kome su date sugestije i prijedbe Odbora na navedeni Pravilnik. Odbor je istim aktom zatražio Program edukacija koje sprovodi Komora (sa pratećim materijalima), a u vezi sa realizacijom aktivnosti Odbora iz tačke 3. Programa rada Odbora za 2017. godinu (Praćenje donošenja i realizacije godišnjeg programa edukacije u organizaciji Revizorske komore), o čemu je raspravljano u okviru 5. tačke dnevnog reda - tekuća pitanja. U okviru iste tačke dnevnog reda, razmjenjena su mišljenja članova Odbora na temu mogućih reperkusija krize u koncernu Agrokor iz Hrvatske na poslovanje privrednih subjekata u Federaciji BiH. Povod za ovu temu bio je saopštenje sa sastanka održanog između Predsjedavajućeg Vijeća ministara BiH i Povjerenika hrvatske vlade za Agrokor. Nakon kraće rasprave zaključeno je da se uputi dopis Komori kojim će se zatražiti informacija o tome koja su društva za reviziju obavljala reviziju finansijskih izvještaja povezanih društava koncerna Agrokor za 2015. i 2016. poslovnu godinu, uz zahtjev da se ti revizorski izvještaji pribave od navedenih društava za reviziju i dostave Odboru.

Na Dvadesetpetoj sjednici Odbora je g-đa. Žilić je obavijestila članove da je na 104. sjednici Vlade FBiH, održanoj dana 29.05.2017. godine, na čijem je dnevnom redu bila uvrštena i tačka vezana za razmatranje Izvještaja o radu Odbora za 2016. godinu, razmatran i usvojen Izvještaj Odbora za 2016. godinu. Program rada sa finansijskim planom Odbora za 2017. godinu, prema saopštenju objavljenom na internet stranici Vlade FBiH, usvojen je 19.01.2017. godine na 87. sjednici Vlade FBiH i objavljen je na internet stranici Vlade FBiH. Gosp. Bošnjak je, u okviru iste tačke dnevnog reda, naveo da bi bilo bitno napomenuti da je, obzirom da je bilo nejasnoća oko početka primjene novih Međunarodnih standarda revizije, održan sastanak između prestavnika Komore i Saveza računovođa, revizora i finansijskih radnika FBiH na kom je usaglašeno da se navedeni standardi primjenjuju za finansijske izvještaje za poslovnu 2017. godinu i dalje te da će Komora to u vidu objašnjenja objaviti na svojoj internet stranici, što je i učinjeno. Prema njegovim riječima, ovo je bio prvi sastanak između navedenih tijela i na tom sastanku je dalje dogovoreno, obzirom da će se u budućem periodu standardi kontinuirano pratiti, da Komora odredi jednog predstavnika koji će učestovati u tom procesu. Na pomenutoj sjednici je usvojen Prijedlog Odluke o izmjeni Odluke o izboru Predsjedavajućeg i Zamjenika predsjedavajućeg Odbora u kome je za Predsjedavajućeg Odbora predložen gosp. Nedžad Tuće, a za Zamjenika Predsjedavajućeg Odbora gosp. Željko Bošnjak. Pod tekućim pitanjima razmatrani su

akti Revizorske komore FBiH koji su zaprimljeni kao odgovor na dopise Odbora kojim je zatražena informacija o tome koja su društva za reviziju obavljala reviziju finansijskih izvještaja povezanih društava koncerna Agrokor za 2015. i 2016. poslovnu godinu. Nakon rasprave donesen je zaključak da je Odbor blagovremeno zaprimio tražene materijale od Komore, što je ocjenjeno kao napredak u komunikaciji.

Pored toga, zaključeno je da je Odbor za javni nadzor razmatrao materijale dostavljene od strane Komore. Iz dostavljenih materijala je primjećeno da:

- više firmi ima gubitak iznad visine kapitala (posebno se ističe „Konzum d.o.o. Sarajevo“ koje ima gubitak iznad visine kapitala od 30 miliona KM),
- postoji veliki broj finansijskih transakcija povezanih lica (posebno se ističe da je „Ledo d.o.o. Čitluk“ dao zajam povezanom licu „Ledo d.d. Zagreb“ u iznosu od približno 39.000.000,00 KM – odljev gotovine iz zemlje),
- je iskazan 100% udio društva „Sarajevski kiseljak d.d. Kiseljak“ u društvu „Agrokor-Zagreb d.o.o. Grude“ (kupljeno od Agrokor Zagreb – odljev gotovine iz zemlje). Odbor je usvojio zaključak da se Komori uputi dopis kojim će se sugerisati provođenje vanrednog nadzora kontrole kvaliteta rada revizorskog društva koje je vršilo reviziju društva u F BiH koja pripadaju grupaciji Agrokor.

Na Dvadesetšestoj sjednici Odbora Odbor je ponovo vodio raspravu vezano za koncern Agrokor i konstatovao da će kontinuirano pratiti tu problematiku te da se očekuje reakcija Revizorske komore Federacije BiH na dopis Odbora u kome je zatražena vanredna kontrola društva za reviziju koje je vršilo reviziju pravnih lica povezanih sa Agrokorom. Pored toga, na navedenoj sjednici Odbora razmatran je akt Komore – Informacija o aktivnostima Komore u kome je, između ostalog, navedeno da su dva člana Komisije za nadzor i provjeru kvaliteta rada društava za reviziju i ovlaštenih revizora dala ostavku. Odbor je izrazio zadovoljstvo za pravovremeno dostavljanje navedene informacije od strane Komore. Nakon rasprave dogovoreno je da se uputi odgovor Komori u kome će se izraziti zabrinutost zbog prestanka aktivnosti Komisije za nadzor i provjeru kvaliteta rada društava za reviziju i ovlaštenih revizora kao tijela neophodnog za rad Komore te da Odbor očekuje da se ova problematika riješi u što kraćem roku i o svemu blagovremeno obavijesti Odbor.

Na Dvadesetsedmoj sjednici Odbora Predsjedavajući Odbora je napomenuo da je članovima Odbora, u materijalima za ovu sjednicu, dostavljen akt Komore, Informacija o održanoj vanrednoj sjednici Skupštine Komore i tim povodom je dogovoren sastanak sa članovima Upravnog vijeća Komore, pa je predloženo da se rasprava po ovoj tački i zaključi donesu na samom sastanku koji je zakazan odmah poslije završetka navedene sjednice Odbora. Sastanak je upriličen dana 12.07.2017. godine, a organizovan je na prijedlog Predsjednika Komore, vezano za aktuelnu preporuke Odbora Komori za provođenje vanredne kontrole kvalitete rada, kao i aktivnosti Komore i trenutnu situaciju kada Komora ima samo jednog člana Komisije za nadzor. Tokom sastanka članovi Odbora dali su određene preporuke predstavnicima Komore i jednoglasno iznijeli stajlište po pitanju daljih aktivnosti na prevazilaženju problema vezano za kadrovsko popunjavanje Komisije za nadzor i provjeru kvaliteta rada revizorskih društava i ovlaštenih revizora, kao tijela Komore koje obavlja najznačajniju

funkciju Komore u skladu sa obavezama koje su utvrđene Zakonom i nastavka aktivnosti na provođenju direktnih nadzora kako je to predviđeno usvojenim Planom za 2017. godinu. Takođe su članovi Odbora istakli i podržali rad Predsjednika i članova Upravnog vijeća Komore, kao i značajno unaprijeđenje u aktivnostima Komore, kao i u komunikaciji i međusobnoj saradnji Komore i Odbora te dali preporuku da se kod izbora Komisije za nadzor i provjeru kvaliteta rada revizorskih društava i ovlaštenih revizora, kao i provođenja nadzora, u prvi plan stavi kvalitet i suština, a ne kvantitet i formalno zadovoljenje propisane obaveze provođenja nadzora.

Na Dvadesetosmoj sjednici Odbora članovi Odbora za javni nadzor su napravili rezime dosadašnjih zaključaka i konstatovali da se u principu dosadašnji zaključci primjereno realizuju, ali da je potrebno tražiti učinkovitije načine za kvalitetniju realizaciju zaključaka kroz. npr. učinkovitije relacije sa Revizorskom komorom Federacije BiH i njenim tijelima kako bi se stvorila što bolja atmosfera u izvršavanju suštinskih i operativnih zadataka kako Komore, tako i Odbora za javni nadzor. Za takvo nešto potrebno je da se donese novi Zakon o računovodstvu i reviziji u Federaciji BiH kojim bi se stvorile pretpostavke za preciznije i kvalitetnije utvrđivanje funkcija i stvorili kako sistemi ranog upozoravanja, tako i okruženje za adekvatno sankcionisanje učinjenih propusta u strateškom i operativnom nadzoru. Osim toga, na pomenutoj sjednici Odbora za javni nadzor zaključeno je da će Odbor od Revizorske komore Federacije BiH zatražiti informaciju o aktuelnim dešavanjima, a u vezi sa zaključcima sa sastanka održanog 12.07.2017. godine, kao i da će se na sljedećoj sjednici Odbora analizirati rad Odbora za javni nadzor za osam mjeseci tekuće godine u odnosu na Program rada Odbora za 2017. godinu.

Na Dvadesetdevetoj sjednici Odbora članovi Odbora za javni nadzor su razmatrali Nacrt Pravilnika o nadzoru i provjeri kvalitete rada društava za reviziju i ovlaštenih revizora, dostavljen od strane Revizorske komore Federacije BiH. Tokom rasprave konstatovano je da je nacrt Pravilnika o nadzoru i provjeri kvalitete rada društava za reviziju i ovlaštenih revizora u osnovi dobar, kao i da je potrebno da Upravno vijeće Komore Metodologijom propiše formu i minimalan sadržaj zapisnika o kontroli kvaliteta te da je potrebno, nakon usvajanja i objavljivanja novog Zakona o računovodstvu i reviziji u Federaciji BiH, usaglasiti Pravilnik. Takođe je konstatovano da Odbor za javni nadzor nema ovlasti da aktivno učestvuje kao drugostepeni organ po prigovorima/žalbama društava za reviziju, pa su odredbe koje to navode neprihvatljive. Zaključeno je da će članovi Odbora elektronskim putem dostaviti primjedbe na navedeni Nacrt, a koje će biti objedinjene u aktu koji će se uputiti Komori.

Na Tridesetoj sjednici Odbora Na pomenutoj sjednici članovi Odbora za javni nadzor je nakon rasprave po tački dnevnog reda - Razmatranje Prijedloga dopisa za Revizorsku komoru FBiH, a u vezi Nacrta Pravilnika o nadzoru i provjeri kvalitete rada društava za reviziju i ovlaštenih revizora, usvojio Prijedlog dopisa za Revizorsku komoru FBiH. Pored toga, u okviru tačke dnevnog reda - Analiza rada Odbora za javni nadzor za period I.-IX. 2017. godine, Odbor je nakon rasprave donio zaključak da će u narednom periodu izvršiti kontrolu preporuka datih prilikom nadzora nad registracijom društava za reviziju i ovlaštenih revizora iz 2016. godine, kao i da će Odbor, prema prezentovanom materijalu o provođenju edukacije ovlaštenih revizora, a u svrhu nadzora, zatražiti od Komore obavještenje o terminima održavanja naredne

edukacije, kao bi istoj prisustvovali članovi Odbora. Osim toga, zaključeno je da će Odbor će od Komore zatražiti informaciju o eventualno zaprimljenim pritužbama članstva, kao i da se ubuduće Odboru dostavljaju zapisnici sa sjednica Upravnog vijeća Komore. Na istoj sjednici je članovima Odbora prezentovan Izvještaj sa radionice Svjetske banke održane 9. i 10. oktobra u Beogradu, kojoj je, ispred Odbora, prisustvovala g-đa. Safija Žilić. U izvještaju sa pomenute radionice je, između ostalog, navedeno da je opšti cilj ovakvih nacionalnih radionice pružiti tehničku stručnu pomoć vezano za proces provođenja obaveze javnog nadzora i kontrole kvaliteta eksterne revizije koji je zakonska obaveza. Obrađene su sljedeće teme:

1. Okvir za sprovođenje samoprocjene i alokacija skromnih resursa s ciljem stvaranja adekvatnog sistema za osiguranje kvaliteta;
2. Ključni elementi i politike usmjerene na efektivno sprovođenje sistema osiguranja kvaliteta zakonske revizije prema zakonskim rješenjima u BiH;
3. Ključni zahtjevi međunarodnog standarda kontrole kvaliteta 1 (ISQC1) koji se odnosi na kontrolu koju vrše revizorska društva, kao i međunarodni revizorski standard 220 (ISA220);
4. Cilj revizije i dobro planiranje revizije;
5. Kako pristupiti rezultatima analize osiguranja kvaliteta.

Osim navednog, učesnici su imali relevantan uvid u iskustvo koje je Republika Srbija imala sa sličnim reformama i način na koji je rješavala izazove s kojima se trenutno suočava Bosna i Hercegovina. Učešće u konferenciji uzeli su predstavnici Svjetske banke, entiteskih ministarstva, te predstavnici profesionalnih tijela zaduženih za nadzor kontrole kvaliteta rada revizorske profesije, kao i predstavnici javnog nadzora u navedenoj oblasti, kako iz Federacije BiH tako i iz Republike Srpske. Radionicu je ocijenila kao odličnu priliku za uspostavljanje saradnje između institucija i regionalnih tijela za nadzor revizije u regionu, kao i odličan način razmjene iskustava i prenošenje stečenih znanja, koji se dalje kroz organizovane edukacije mogu prenijeti ostalim zainteresovanim pripadnicima revizorske profesije.


Pod tekućim pitanjima se raspravljalo o aktuelnim dešavanjima vezano za grupaciju Agrokor, te je zaključeno da će Odbor od Komore zatražiti informaciju o aktuelnim dešavanjima vezano za grupaciju Agrokor, odnosno povezana pravna lica Agrokora sa sjedištem u Federaciji BiH i s tim u vezi informacijama o izvršenoj reviziji od strane PricewaterhouseCoopers d.o.o. Sarajevo.

Na Tridesetprvoj sjednici Odbora članovi Odbora za javni nadzor su, između ostalog, raspravljali o potrebi sačinjavanja Programa rada Odbora za 2018. godinu pa je s tim u vezi donesen zaključak da će za narednu sjednicu Odbora pripremiti Prijedlog Programa rada Odbora za 2018. godinu, a kako bi se isti blagovremeno usvojio i uputio Vladi Federacije BiH putem Federalnog ministarstva finansija u zakonskom roku. Pored toga, članovi Odbora za javni nadzor su imali sastanak sa članovima Upravnog vijeća Revizorske komore Federacije BiH. Sastanak je organizovan na prijedlog Predsjednika Komore, vezano za Nacrt Pravilnika o nadzoru i provjeri kvalitete rada društava za reviziju i ovlaštenih revizora, na koji je Odbor dao primjedbe (akt Odbora broj: 01-04-43/17 od 06.10.2017).

Na Tridesetdrugoj sjednici Odbora je usvojio Program rada Odbora za 2018. godinu i isti je upućen 08.12.2017. godine Vladi Federacije BiH putem Federalnog ministarstva finansija na razmatranje. Pored toga, Odbor je usvojio Prijedlog očitovanja na akt Federalnog ministarstva finansija broj: 04-49-1-4028/16 veza S.H. od 31.10.2017. godine. Navedeno očitovanje upućeno je Ministarstvu 08.12.2017. godine. Na navedenoj sjednici se raspravljalo o dva poziva upućena od strane Revizorske komore Federacije BiH i to poziv za Vanrednu sjednicu Upravnog vijeća i poziv za Skupštinu Komore. Nakon rasprave zaključeno je da će Odbor odmah uputiti odgovor Komori u kome će se pozvati na dosljedno poštovanje propisa u radu Komore i da se s tim u vezi, po potrebi, usklade akti Komore sa Zakonom, kako bi se omogućilo konačno formiranje Komisije za nadzor i provjeru kvaliteta rada društava za reviziju i ovlaštenih revizora, kao tijela Komore koje provodi nadzor, s obzirom da Zakon, kao obavezan uslov za člana Komisije, propisuje samo petogodišnje iskustvo na poslovima revizije. Pored toga, zaključeno je da će se u dopisu navesti i da će članovi Odbora, zavisno od mogućnosti, prisustvovati sjednici Skupštine Komore, ali isključivo u funkciji i u skladu sa ovlaštenjima iz Zakona.

PREDSJEDAVAJUĆI ODBORA

Nedžad Tuće



GODIŠNJI PROGRAM ODBORA ZA JAVNI NADZOR ZA 2018. GODINU

R.br.	Aktivnost/zadatak Odbora čl. 66. Zakona	Opis i indikator aktivnosti	Pravna osnova	Rok za provođenje aktivnosti
1	Nadzor nad registracijom društava za reviziju	Provjera dokumentacije priložene uz zahtjeve za izdavanje licenci društva za reviziju i ovlaštenim revizorima, koja je podnesena Ministarstvu finansija-fincija F BiH, Sačinjavanje informacije o izvršenoj provjeri i utvrđenim činjenicama	Zakon o računovodstvu i reviziji F BiH ("Sl. novine Federacije BiH", br. 83/09); Pravilnik o načinu i uslovima izdavanja, obnavljanja i oduzimanja licenci ovlaštenim revizorima i društvima za reviziju (Sl. ovine Federacije BiH", br. 12/10, 42/10,17/13 i 55/13)	kontinuirano
2	Nadzor nad usvajanjem standarda profesionalne etike, interne kontrole kvaliteta rada društava za reviziju i revizije	Provjera postupanja društava za reviziju i ovlaštenih revizora, na osnovu informacije i dokumentacije koja će se periodično zatražiti od Revizorske komore, Provjera sadržaja i načina vođenja registra kod Revizorske komore.	Zakon o računovodstvu i reviziji F BiH ("Sl. novine Federacije BiH", br. 83/09); Pravilnik o načinu i uslovima izdavanja, obnavljanja i oduzimanja licenci ovlaštenim revizorima i društvima za reviziju (Sl. ovine Federacije BiH", br. 12/10, 42/10,17/13 i 55/13)	kontinuirano
3	Nadzor nad provođenjem kontinuirane edukacije, osiguranja kvaliteta, te sistema discipline.	Praćenje donošenja i realizacije godišnjeg programa edukacije u organizaciji Revizorske komore, uvid u materijale koji se prezentiraju na seminarima i prisustvo članova Odbora edukacijama u organizaciji	Zakon o računovodstvu i reviziji F BiH ("Sl. novine Federacije BiH", br. 83/09) i akti Revizorske komore	kontinuirano
4	Nadzor nad zakonitosti rada i postupanja Revizorske komore	Nadzor nad donošenjem i primjenom normativnim akata Komore, praćenje aktivnosti Komore u izvršavanju zakonskih ovlaštenja i odgovornosti. Praćenje rada Skupštine, Upravnog odbora i drugih tijela Komore	Zakon o računovodstvu i reviziji F BiH ("Sl. novine Federacije BiH", br. 83/09) i akti Revizorske komore	kontinuirano
5	Nadzor nad djelotvornosti, ekonomičnosti i svrsishodnosti rada Komore	Uspostavljanje saradnje i razmatranje izvještaja o radu, uključujući i finansijske izvještaja, te program rada Komore	Zakon o računovodstvu i reviziji F BiH ("Sl. novine Federacije BiH", br. 83/09) i akti Revizorske komore	kontinuirano
6	Nadzor nad unutrašnjim uredjenjem i organizacijom Revizorske komore te osposobljenost članova za obavljanje poslova iz nadležnosti Komore	Razmatranje informacije o radu Komore od njene uspostave do aktualnog stanja, identifikovanje problema u njenom funkcionisanju i iznalaženje mogućnosti za njihovo otklanjanje. Razmatranje Statuta i drugih akata Komore, zaključenih ugovori o angažmanu uposlenika Komore; Sačinjavanje informacije sa prijedlozima,	Zakon o računovodstvu i reviziji F BiH ("Sl. novine Federacije BiH", br. 83/09) i akti Revizorske komore	kontinuirano
7	Nadzor nad odnosom članova Komore prema društvima za reviziju i ovlaštenim revizorima i drugim	Razmatranje materijala i zapisnika sa održanih skupština Komore i sjednica upravnog odbora Komore, davanje	Zakon o računovodstvu i reviziji F BiH ("Sl. novine Federacije BiH", br. 83/09)	kontinuirano
8	Saradnja sa regulatornim i nadzornim tijelima u Bosni i Hercegovini, državama članicama Evropske unije i trećim zemljama, posebno u slučajevima utvrđivanja određenih nepravilnosti u radnjama društava za	Uspostavljanje kontakata, organiziranje sastanaka i postizanje dogovora vezano za način saradnje i razmjene iskustava sa nadzornim i regulatornim tijelima u BiH i zemljama regiona (Hrvatska, Srbija, Crna Gora i dr.)	Zakon o računovodstvu i reviziji F BiH ("Sl. novine Federacije BiH", br. 83/09)	kontinuirano
9	Razmatranje zakonske i podzakonske regulative	Imiciranje potrebnih izmjena i dopuna u propisima kojima je regulisana oblast računovodstva i revizije, aktivnosti na implementaciji novih propisa iz oblasti računovodstva i revizije.	Zakon o računovodstvu i reviziji BiH ("Sl. glanik BiH", br. 42/04) Zakon o računovodstvu i reviziji F BiH ("Sl. novine Federacije BiH", br. 83/09)	kontinuirano
10	Poduzimanje mjera i akcija	U skladu sa utvrđenim stanjem predlaganje aktivnosti i mjera sa ciljem uspostavljanje i početka provođenja javnog nadzora radi unaprijedenja revizorske struke i povećanja povjerenja u revizorske izvještaje i finansijske izvještaje poslovnih subjekata.	Zakon o računovodstvu i reviziji F BiH ("Sl. novine Federacije BiH", br. 83/09)	kontinuirano
11	Izveštaj o radu za 2017. godinu	Izveštaj o radu 2017. godine	Zakon o računovodstvu i reviziji F BiH ("Sl. novine Federacije BiH", br. 83/09)	kraj marta 2018. godine
12	Program rada za 2019. godinu	Program rada za 2019. godinu	Zakon o računovodstvu i reviziji F BiH ("Sl. novine Federacije BiH", br. 83/09)	decembar 2018. godine

Napomena: Navedene aktivnosti u programu rada biće, prema potrebi, dopunjavane i mijenjane u skladu sa aktuelnom situacijom i objektivnim okolnostima od kojih zavisi aktivnost Odbora.

Predsjedavajući Odbora

Broj: 01-02-65/17

Nedžad Tuće

Sarajevo, 07.12.2017. godine

Prilog:

**PREGLED DNEVNOG REDA ODRŽANIH SJEDNICA ODBORA
TOKOM 2017. GODINE**

Dvadesetprva sjednica Odbora za javni nadzor održana 30.01.2017. godine:

1. Razmatranje i usvajanje Zapisnika sa Dvadesete sjednice Odbora, održane 16.12.2016. godine;
2. Realizacija zaključaka sa Dvadesete sjednice Odbora;
3. Aktuelnosti između dvije sjednice Odbora;
4. Razmatranje pojedinačnih zapisnika o izvršenom direktnom nadzoru - veza akt Komisije za nadzor i kontrolu kvaliteta rada društava za reviziju i ovlaštenih revizora broj: N-10-21/16 od 22.12.2016. godine
5. Tekuća pitanja.

Dvadesedruha sjednica Odbora za javni nadzor održana 27.02.2017. godine:

1. Razmatranje i usvajanje Zapisnika sa Dvadesetprve sjednice Odbora, održane 30.01.2017. godine;
2. Realizacija zaključaka sa Dvadesetprve sjednice Odbora;
3. Aktuelnosti između dvije sjednice Odbora;
4. Razmatranje Izvještaja o radu Revizorske komore Federacije BiH i Komisije za nadzor kvaliteta rada društava za reviziju i ovlaštenih revizora za 2016. godinu;
5. Razmatranje Nacrta Izvještaja o radu Odbora za 2016. godinu;
6. Tekuća pitanja.

Dvadesettreća sjednica Odbora za javni nadzor održana 31.03.2017. godine

1. Razmatranje i usvajanje Zapisnika sa Dvadesetdruge sjednice Odbora, održane 27.02.2017. godine;
2. Realizacija zaključaka sa Dvadesetdruge sjednice Odbora;
3. Aktuelnosti između dvije sjednice Odbora;
4. Razmatranje Nacrta Izvještaja o radu Odbora za 2016. godinu;
5. Tekuća pitanja.

Dvadesetčetvrta sjednica Odbora za javni nadzor održana 27.04.2017. godine

1. Razmatranje i usvajanje Zapisnika sa Dvadesettreće sjednice Odbora, održane 31.03.2017. godine;
2. Realizacija zaključaka sa Dvadesettreće sjednice Odbora;
3. Aktuelnosti između dvije sjednice Odbora;
4. Razmatranje Odluke o izmjenama i dopunama Pravilnika o nadzoru i provjeri kvaliteta rada društava za reviziju i ovlaštenih revizora, donesenoj na Skupštini Revizorske komore FBiH 06.04.2017. godine;
5. Tekuća pitanja.

Dvadesetpeta sjednica Odbora za javni nadzor 29.05.2017. godine

1. Razmatranje i usvajanje Zapisnika sa Dvadesetčetvrte sjednice Odbora, održane 27.04.2017. godine;
2. Realizacija zaključaka sa Dvadesetčetvrte sjednice Odbora;
3. Aktuelnosti između dvije sjednice Odbora;
4. Prijedlog Odluke o izmjeni Odluke o izboru Predsjedavajućeg i Zamjenika predsjedavajućeg Odbora;
5. Tekuća pitanja.

Dvadesetšesta sjednica Odbora za javni nadzor održana 22.06.2017. godine

1. Razmatranje i usvajanje Zapisnika sa Dvadesetpete sjednice Odbora, održane 29.05.2017. godine;
2. Realizacija zaključaka sa Dvadesetpete sjednice Odbora;
3. Aktuelnosti između dvije sjednice Odbora;
4. Razmatranje akta Revizorske komore FBiH – Informacija o aktivnostima Komore;
5. Tekuća pitanja.

Dvadesetsedma sjednica Odbora za javni nadzor održana 12.07.2017. godine

1. Razmatranje i usvajanje Zapisnika sa Dvadesetšeste sjednice Odbora, održane 22.06.2017. godine;
2. Realizacija zaključaka sa Dvadesetšeste sjednice Odbora;
3. Aktualnosti između dvije sjednice Odbora;
4. Razmatranje akta Revizorske komore FBiH – Informacija o održanoj Skupštini Komore;
5. Tekuća pitanja.

Dvadesetosma sjednica Odbora za javni nadzor održana 29.08.2017. godine

1. Razmatranje i usvajanje Zapisnika sa Dvadesetsedme sjednice Odbora, održane 12.07.2017. godine;
2. Realizacija zaključaka sa Dvadesetsedme sjednice Odbora;
3. Aktualnosti između dvije sjednice Odbora;
4. Tekuća pitanja.

Dvadesetdeveta sjednica Odbora za javni nadzor održana 26.09.2017. godine

1. Razmatranje i usvajanje Zapisnika sa Dvadesetosme sjednice Odbora, održane 29.08.2017. godine;
2. Realizacija zaključaka sa Dvadesetosme sjednice Odbora;
3. Aktualnosti između dvije sjednice Odbora;
4. Razmatranje Nacrta Pravilnika o nadzoru i provjeri kvalitete rada društava za reviziju i ovlaštenih revizora
5. Analiza rada Odbora za javni nadzor za period I.-VIII. 2017. godine.
6. Tekuća pitanja.

Trideseta sjednica Odbora za javni nadzor održana 19.10.2017. godine

1. Razmatranje i usvajanje Zapisnika sa Dvadesetdevete sjednice Odbora, održane 26.09.2017. godine;
2. Realizacija zaključaka sa Dvadesetdevete sjednice Odbora;
3. Aktualnosti između dvije sjednice Odbora;
4. Razmatranje Prijedloga dopisa za Revizorsku komoru FBiH, a u vezi Nacrta Pravilnika o nadzoru i provjeri kvalitete rada društava za reviziju i ovlaštenih revizora;
5. Analiza rada Odbora za javni nadzor za period I.-VIII. 2017. godine;
6. Izvještaj sa radionice Svjetske banke održane u Beogradu;
7. Tekuća pitanja.

Tridesetprva sjednica Odbora za javni nadzor održana 02.11.2017. godine

1. Razmatranje i usvajanje Zapisnika sa Tridesete sjednice Odbora, održane 19.10.2017. godine;
2. Realizacija zaključaka sa Tridesete sjednice Odbora;
3. Aktualnosti između dvije sjednice Odbora;
4. Tekuća pitanja.

Tridesetdruga sjednica Odbora za javni nadzor održana 07.12.2017. godine

1. Razmatranje i usvajanje Zapisnika sa Tridesetprve sjednice Odbora, održane 02.11.2017. godine;
2. Realizacija zaključaka sa Tridesetprve sjednice Odbora;
3. Prijedlog Programa rada Odbora za 2018. godinu;
4. Prijedlog očitovanja na akt Federalnog ministarstva finansija broj: 04-49-1-4028/16 veza S.H. od 31.10.2017. godine;
5. Aktualnosti između dvije sjednice Odbora;
6. Tekuća pitanja.